

2006

PRILAGODSKI
KRNEVAN

REZUMANTIN,
CENTILOVIC
POLITIPIKOVSKI

- OPTUŽNICA
- TAGTAMENAT

— DARIKO —

Prcanj, 18.02 2006 god.

SUDJENJE PRCANJSKOM KRNEVALU

REZUMANTINU CENTILOVICU - POLITIPIKOVSKOM

PREDSJEDNIK SUDA:

GOSPODO I GOSPODJE, POSTOVANI PUCE PRCANJSKI I OSTALI FURESTI, DOBRO NAM DOSLI NA TRADICIONALNU FESTU PRCANJSKOGA KARNEVALA.

LEDIS END DZENTLEMEN, PIPEL OF PRCANJ, VELKAM TU TRADISINAL KARNEVAL OF PRCANJ.

GASPADA, TAVARISCI I TAVARISCE, HARASO PRIJEHALI NA DRUZBU KARNEVALA PRCANJSKOGA.

ETO VIDITE DA PORED NASEGA MATERNJEG KARNEVALSKOG JEZIKA, OVE GODINE PRISUTNE MORAMO POZDRAVIT NA PAR SVJETSKIJEH JEZIKA JERBO JE NAS PRCANJ PREKO NOCI POSTAO SVJETSKA METROPOLA KOJEGA SVE VISE I VISE STRANCI KUPUJU.

NEGO O TOME POSLIJE U NASOJ OPTUZBI, A SAD FALA VI STO STE SE U OVOLIKOM BROJU OKUPILI DA UVELICATE OVU NASU FESTU, A MI VAM ZA UZVRAT OBECAVAMO PUNO VESELJA I ZABAVE KA I UVJEK.

ALI DA JA PUNO NE PRICAM, TUZIOC I BRANIOC SU NESTRPLJIVI DA POCNU SUDSKO NADMETANJE, PA MENI NE PREOSTAJE NISTA DRUGO NEGO DA OTVORIM SUDSKU PROCEDURU PROTIV ODJE PRISUTNOGA KRNEVALA PRCANJSKOGA,

REZUMANTINA CENTILOVICA - POLITIPIKOVSKOG

CASNI SUD CINU;

- PREDJEDNIK SUDA, JA LICNO DR. PROF. SINDIKO GIHTOVIC zvani SOTUN DI GAMBA.

- TUZBU IZNOSI; G-djica LINA ANGELINA MEK GREGOR.

- BRANILAC OVOGA UNCUTA JE; DR.PROF. CENTAURION ROMANOVSKI zvani DURAK.

A SADA DAJEM RIJEC TUZIOCU;

TUZIOC;

JA TUCILAC, G-djica **LINA ANGELINA MRK GREGOR**, IMAM
CAST DA PRED OVIJEM KRNEVALSKIJEM SUDOM PODIGNEM
OPTUZNICU PROTIV ODJE PRISUTNIGA KRNEVALA PO IMENU

REZUMANTIN CENTILOVIC - POLITIPIKOVSKI

ZA SLEDECA NJEGOVA NEDJELA.

- KRIVIM GA I OPTUZUJEM STO JE POKUPOVAO SVE KRETNINE,
NEPOKRETNINE, NEKRETNINE I POKRETNINE PO NASEM
LIJEPOME PRCANJU I TIME BITNO PROMIJENIO IZGLED I
STRUKTURU NASEGA DICNOGA MJESTA.
RUSIO JE NASE ANTIKE PALACE I TOBOZE IH ADAPTIRAO U
MODERNOME RUHU, A ZA ISTINU NAPRAVIO JE OD TOGA
NEKAKVE KAZERME KOJE VECI DIO GODINE ZJAPE PRAZNE I
I ONAKO ZABLINDIRANIH SKURA LICE NA AVETINJSKE KUCE.
NOTA BENE, JOS SAMO FALI DA SE U NJIH DUHOVI USELE PA
DA MRTVE NA SPIRITIZAM PRIZIVAMO.
- OPTUZUJEM GA STO JE NA NASE ZELENE POVRSE,
OBRADIVO ZEMLJISTE, DJECIJA IGRALISTA I SUMSKE POJASE,
SAGRADIO NEKAKVA VELELEPNA MODERNA ZDANJA OD
OPECINA, BETONA I PLASTIKE, PA CELJADE KAD PASAJE PRE
PREKO OVO MALO RAZROVANOGA PUTA STO JE OSTALO, NE
VIDI NI ANCI KOJI KOMADIC NASEGA LIJEPOGA ZELENOGA
VRMCA.
- KRIVIM GA STO JE ZA TAKVE RABOTE OTVORIO NEKAKVE
AGENCIJE ZA POSREDOVANJE U NJEGOVIJEM SPORKIJEM
RABOTAMA PA SADA VI MNOGI NASI PRCANJANI OBILAZE
PRCANJ UZDUZ I POPRIJEKO NE BI STOGODJ ALOCALI I
POSREDOVALI U KAKVOJ PRODAJI I OD TOGA MALO
MIZERNE PROVIZIJE OBRIVALI.
- POSEBNO GA OPTUZUJEM STO JE OD SILNE GRADNJE
POREMETIO INACE UREDNO SNADBIJEVANJE ELEKTRIKOM A
OD SILNIJEH KAMIONA PUT JE POTPUNO RUVINAO TAKO DA
SE PREKO PRCANJA NE MOZE NI MIRNO PASAT.

NA OSNOVU NAVEDENIH CINJENICA A I PREMA JOS NIZ
UNCUTARIJA I BULIKANA STO JE OVA PERSONA CINJELA PO

NASEMU LIJEPOME MJESTU, ZAHITIJEVAM DA SE ODJE PRISUTNI
KRNEVAO PRCANJSKI,

REZUMANTIN CENTILOVIC - POLITIPIKOVSKI

PROGLASI KRIVIM KAO I SVI DOSADASNI KRNEVALI I ZAPALI
NA VRH MULA PRCANJSKOGA.

PREDSJEDNIK SUDA:

A SADA DAJEM RIJEC BRANIOCU.

BRANIOC:

EVO SMO ČULI VASE DOBRO SMISLJENE OPTIZBE I TOBOŽNJE
GRIJEHE MOJEGA STIČENIKA PA U IME DEMOKRATSKE PRAVDE
JA SE ČASNO PRIMAM SVETE DUŽNOSTI DA GA ODBRANIM OD
LJUDSKE NAPASTI, SAMO NEZNAM OKLEN VI TAKVE OPTUZBE
PROTIV MOJEGA KLIJENTA POLITIPIKOVSKOG KADA NJEGOVOM
ZASLUGOM PRCANJ DANAS IZGLEDA LJEPŠE NEGO
IKADA. MORA DA VI JE U GLAVU ULETIO VIRUS TIČIJEGA GRIPA,
PA VI SE POMUTIO UM I NEZNATE STO ZBORITE.

BIT ĆE DA STE PUNĀ DUSEVNOGA TERETA,
GRIŽE SAVJESTI PA VI SVE SMETA.
TUZITE GA DAJE SVE KUPIO,
KAO DA MNOGIJEMA NIJE DOBRA UČINIO.
ZNAO JE ON DA CRNČI I GLADUJE,
STAO JE NA NOGE, OBOGATIO SE PA NEKA I KUPUJE.
VAMA JE DOBRO DOŠLO A I VAZDA VI NEŠTO FALI,
ZA PARE BI I ROĐJENU MATER PRODALI.
PRODATE I ONO ZARĐJALO AUTO,
ŠTO KRASI MULO PRCANJSKO ONAKO RASSPANUTO.
ČELJADI MOJA, PA TO JE PRIČA STARA,
SVE STO MOZEŠ PRODAJ, DA DOĐJEŠ DO PARA.
AKONTO TOGA SVE FUNKCIONIŠE ALAVIJA,
ZA TO SE PREZENTALO I NOVIJEH AGENCIJA.
NOVOPEČENI AGENTI TO DOBRO ZNAJU,
KAKO ĆE I ČIJE NEKRETNINE DEBELO DA PRODAJU.
TREBA DA STE ZAHVALNI ZA TAKOVU VRLINU,
ŠTO JE MOJ KLIJENT ZAPOSLIO OVU OMLADINU.
SAMO NEKA OVI NAROD DOBRO ČUJE I PRIPAZI,

20

KADA IM AGENAT NEKRETNINA U KUCU DOLAZI,
JERBO SU NEUKI, ~~LUKAVI~~ LUKAVI I MUDRI,
KAD I KAO MNOGIJEMA PARA U GLAVU UDRI.
GLEDAJU PRODAVAT I TUĐJE I SVOJE,
VJEROVALI ILI NE, TAKO VI STVARI STOJE.
OMILILA PARA PA SVUĐJE FIRIKAJU,
ZA SVAČIJU KUĆU, IMOVINU I BASTINU ZNAJU.
STO SE TICE KUĆEŠTINA I KAZERMA I PRIJE STE IMALI
DO DANA DANASNJEGA NIJEDNU NIJESTE ~~NIJEDNU~~. REFALI,
PUŠTILI STE DA SE SAME RUŠU,
SAMI STE KRIVI PA IH NOSITE NA DUŠU.
SVE STO JE OSTALO PRODAĆETE OBIJERUČKE,
KAD DEBELO PLACAJU ANGLO-BAČUSKE.
KUPOVALI STE I VI OD ŠVERCA I MUTNIJEH RABORTA,
BOGATILI SE NELEGALNO I NIJE VE SRAMOTA.
ZELENE POVRŠINE PREGRAĐUJU DRUGE PARADŽIJE,
GRADU MODERNE PALATE, MOGU, I BRIGA IH NIJE.
ZA NJIH POSTOJI SOLUCIJA BOLJA,
IMAJU ZELENO SVIJETLO PA CINU ŠTO IH JE VOLJA.
ZA BAČUSKE NEKA BUDE KJARO SVIMA,
DA U PRČANJ OD DAVNINA IMOVINE IMA.
NEKA KUPUJU OD BOGA IM HVALA,
KAD NAM JE NEKRETNINA OD ĐJEDOVA OSTALA.

? { KO IMA PARA ~~BLUZA~~ MU JE BLIZA, BLIZA MU JE BLUZA
A KO NEMA VIDI MU SE ~~BLUZA~~. I BOLA MU JE SUZA!!
A MI SIROMAŠNI TRAJIMO SPASA,
PA NOSIMO SVACIJU ROBU OD KARITASA.
OCEMO PRATITI MODU ĐJUSTO U STOPU,
NE BI LI LJEPŠI KRENULI U EVROPU.
MOGU VI SVIJEMA LIBERO RECI ODMA,
ZABORAVITE EVROPU, BOLJE STOJTE DOMA.
DOSTA JE BILO PRAZNIJEH OBEĆANJA,
OSTAJU NAM SAMO ZELJE I SJEĆANJA.
ZA STRUJU I PUT ŠTO DA VI KAZEM,
MOGU KAO I OVI VAŠI SAMO DA VAS LAŽEM.
PUT I STRUJA STARA SU NAŠA RANA,
OD DAVNIJEH VLADA PA DO OVIH DANA.
ZATO MOJA UVAŽENA KOLEGINICE,
BATALITE TAKVE TUŽBE, OSUDE I SMICALICE.
OSTAVITE DOMA TE OPTUŽBE, INTRIGE I SPLETKE,

DA NE SVRŠITE U HAG IZA REŠETKE.
BUDITE DOSTOJNI VASE PROFESIJE U NAČELU,
DA NE BUDETE PRVI U PRČANJSKU KAPELU.
SVE STO MOJ STIČENIK KUPI I SKUPO GA KOŠTA,
SVIJEMA NAMA NA KRAJU DVA METRA BIT ĆE DOSTA.

A SADA UVAŽENA MOJA GOSPODO UČINITE STO STE
NAUMILI JA NEĆU MOLIT ZA MILOST JERBO DOBRO ZNAM DA JE
MOJ STIČENIK,

REZUMANTIN CENTILOVIĆ - POLITIPIKOVSKI

ŽIVIO ČASNO I POŠTENOM UVIJEK DOBRA DJELA ~~ČASNO~~ *živio!!!*

PREDSJEDNIK SUDA:

PREMA CINJENICNOM STANJU OPTUZBE A I ODBRANE DONOSIM
SLIJEDECU,

O D L U K U

KRNEVAO PRCANJSKI,

REZUMANTIN CENTILOVIĆ - POLITIPIKOVSKI

KRIV JE PO SVAKOJ TACKI OPTUZBE, PA GA OSUDJUJEM NA
SMRT SPALJIVANJEM NA MULO PRCANJSKO UZ PRETHODNO
SKIDANJE GLAVE.
GRADSKA MUZIKA NEKA MU ODSVIRA MARCU FUNEBRE.

REKVIJEM SKAT IN PACE